



Pou Piblikasyon Imedya: 03/11/2023

GOUVÈNÈ KATHY HOCHUL

**GOUVÈNÈ HOCHUL AK MAJISTRA ADAMS ANONSE LANSMAN DEFI RECHO AK
ENDIKSYON POU ELEKTRIFYE SISTÈM KUISON NAN APATMAN LOJMAN PIBLIK
VIL NEW YORK YO**

*NYCHA, NYPA, ak NYSERDA kreye patenarya pou fè demann pou pwopozisyon k
ap chèche fabrikan pou yo pwodui yon nouvo klas recho ak endiksyon*

*Pwogram lan pral mennen nan enstalasyon 10,000 recho ak endiksyon modèn
nan lojman publik Vil New York la*

*Pwogram pilòt inisyal pou enstale pwototip recho ak endiksyon nan 100 apatman
NYCHA yo*

Gouvènè Kathy Hochul ak Majistra Eric Adams jodi a te anonse ke Eta New York ap fè patenarya ak Vil New York pou lanse [Defi Recho ak Endiksyon](#) atravè piblikasyon yon demann pou pwopozisyon ki mande fabrikan aparèy yo pou yo konsevwa ak pwodui enèji recho ak endiksyon ki efikas an enèji pou ranplase recho ak gaz ki egziste deja yo pandan y ap evite amelyorasyon elektrik ki koute chè nan biling Otorite Lojman Vil New York (New York Housing Authority, NYCHA) yo. NYCHA, Otorite Enèji New York la (New York Power Authority, NYPA) ak Otorite Developman ak Rechèch Enèji Eta New York (New York State Energy Research and Development Authority, NYSERDA) la premyèman [te anonse](#) defi inovasyon konpetitif an jiyè, ki pwomèt pou finalman mennen nan deplwaman 10,000 recho ak endiksyon nan apatman NYCHA yo.

"Tout Nouyòkè merite viv nan yon kay ki an sekrite, ki an sante", **Gouvènè Hochul te deklare**. "Nouvo patenarya inovan sa a ant Vil la ak Eta a pral mennen nan developman yon nouvo klas recho ak endiksyon – finalman kap bay rezidan NYCHA yo aparèy modèn nan kay pa yo. New York pral kontinye mennen nasyon an ak angajman nou pou jistis klimatik ak solisyon inovan nan enèji pwòp."

Majistra Vil New York, Eric Adams, te deklare, "Apre plizyè deseni nan dezenvestisman federal nan lojman publik — ki se yon baz pou anpil Nouyòkè k ap travay — moman rive pou nou vin kreyatif sou fason nou bati NYCHA pou lavni. Men, administrasyon nou an pare epi li te deja pare pou demare. Defi Recho ak Endiksyon an pral bay rezidan NYCHA yo recho ki efikas an enèji ak rantab nan plis pase 100

apatman, epi n ap itilize rezulta efò enpòtan sa a pou idantifye nenpòt pwochen etap ke yo merite pran."

[Demann pou Pwopozisyon \(Request for Proposal, RFP\)](#) ki te pibliye pa NYPA nan dat 3 novanm, envite fabrikan yo pou yo soumèt pwopozisyon ki gen ladann solisyón inovan pou nouvo recho ak endiksyon ki ka enstale nan biling ki pi ansyen yo lè yo sèvi avèk priz 120-vòl, 20-anpè estanda yo. Yon fwa yo chwazi youn oswa de fabrikan, yo pral gen jiska 24 mwa pou fè konsepsyon, pwototip, ak pwodwi 100 inite nouvo pwodwi pou tès pandan faz pilòt defi a. Inite yo pral enstale nan jiska 100 apatman NYCHA, ak nouvo enstasil kizin yo bay chak fwaye k ap patisipe yo, avèk entansyon pou bay rezidab NYCHA yo pi bon kuison ki konfòtab, ansam ak avantaj sante ak kalite lavi. Fabrikan ap patisipe nan defi a oblige travay avèk òganizasyon tès endistri yo ak estanda sekirite yo tankou Underwriter Laboratories pou reyalize sètifikasyon nouvo teknoloji anvan faz pilòt la.

Tès ki reyisi nan kad pwodwi yo chwazi a pral deklanche yon kòmand acha nan gran echèl omwen 10,000 inite nan men NYCHA. Efò a pral montre pwopriyetè biling yo pwomès yon konvèsyon abòdab nan kwison ak endiksyon efikas, ak fabrikan yo konsènan potansyèl yon mache rezidansyèl ki pi laj pou nouvo pwodwi recho endiksyon yo. Acha inisyal la pral sipòte plizyè douzèn biling NYCHA nan totalman elektrifye sistèm enèji yo epi deplase itilizasyon gaz fosil yo.

Pou asire ke nouvo recho ak endiksyon yo ka sèvi yon gwo mache nasyonal, NYSERDA ap angaje lòt eta, minisipalite, ak founisè lojman yo atravè Amerik di Nò pou sisite enterè pou rezulta defi a. Nan fason sa a, defi a pral bati yon filyè demann potansyèl nan men lòt moun k ap chèche elektrifikasiyon pou kwison, sa k ap alinye spesifikasiyon pwodwi NYCHA ak bezwen mache a anjeneral. Douz ajans ki reprezante plis pase 300,000 inite lojman deja enskri pou sipòte inisyativ la.

Dat limit pou RFP a se 9 janvye 2024.

Prezidan ak Direktè Egzekitif Jeneral Otorite Enèji New York Ia, Justin E. Driscoll, te deklare, "Defi Inovasyon Recho ak Endiksyon an pral mennen nan developman recho elektrik ki ka opere nan biling kote sistèm elektrik yo ta pa sipòte, sa k ap elimine yon baryè ki te toufe aplikasyon an nan aparèy ki efikas an enèji jiska dat. Recho ak endiksyon inovan ku te devlope atravè defi sa a pral amelyore kalite lavi pou rezidan NYCHA yo, pèmèt rezidan yo benefisyé nouvo teknoloji dènye kri, epi trase yon egzanp pou rès nasyon an pandan n ap aplike ansam pwogram k ap dekabonize biling yo davanaj."

Prezidan ak Direktè Egzekitif Jeneral Otorite Developman ak Rechèch sou Enèji Eta New York Ia, Doreen M. Harris, te deklare, "NYSERDA fyè pou I fè patenary ak NYCHA ak NYPA pou avanse nan developman teknoloji kuison ak endiksyon, yon solisyón abòdab pou diminiye emisyon nan biling yo epi kreye anviwonman ki pi an sante pou tout Nouyòkè yo. Defi sa a, ki fè pati angajman Eta a pou vize envestisman nan aksyon klimatik ki benefisyé kominote defavorize yo, pral ede pote dènye recho

efikasite enèji yo bay plizyè milye rezidan NYCHA pandan New York ap tranzisyone nan direksyon yon ekonomi enèji pwòp enklizif."

Majistra Adjwen pou Lojman, Devlopman Ekonomik ak Mendèv la, Maria Torres-Springer, te deklare, "Efò kolaborasyon sa a pou pote solisyon inovan nan kay NYCHA konbine plizyè objektif administrasyon: bay lojman ki an sekrite ak abòdab, ankouraje kreyativite atravè endistri yo, ak investi nan yon avni ki pi vèt. Nan mitan enpak chanjman klimatik k ap grandi yo, defi sa a pral amelyore kalite lavi rezidan NYCHA yo, epi avanse teknoloji vét."

Direktè Egzekitif Jeneral Otorite Lojman Vil New York la, Lisa Bova-Hiatt, te deklare, "Defi Recho ak Endiksyon an se yon avanti enteresan pou NYCHA. Nou fyè dèské n ap travay ansanm ak patnè eta nou yo pou non sèlman pouse yon endistri pou kreye sistèm kwison pwogresif, efikas an enèji pou satisfè bezwen enfrastrikti biling nou yo ki aje, men tou pou montre rès New York, peyi a, ak mond lan, ke kalite inovasyon sa a posib."

Direktè Jesyon Resous ak Kapital Otorite Lojman Vil New York la, Shaan Mavani, te deklae, "Pwogrè k ap fèt ak Defi Recho ak Endiksyon an trè enteresan. Pote nouvo pwodwi sa a sou mache a ta pral non sèlman avanse objektif dirabilite NYCHA yo ak amelyore kalite lavi rezidan yo, men li ka vin yon modèl pou fason yo pilote dirabilite ak lòt inovasyon sistèm biling yo atravè patenarya publik-prive. Si nou kapab elektrifye recho yo lè nou sèvi avèk priz 120-vòlt ak amelyorasyon elektrik limite, elektrifikasyon ak dekaebonizasyon ap avanse nan yon etap pi pwòch pou biling nou yo."

Senatè Eta a Kevin Parker te deklare, "Defi Recho Endiksyon an se yon gwo opòtinite pou ankouraje fabrikan yo devlope yon pwodwi aksesib ak abòdab ki pral bay benefis sante ak kalite lavi pou rezidan NYCHA yo. Pwogram inovan sa a demontre angajman Gouvènè a pou l abòde chanjman klimatik epi pote envestisman ak solisyon enèji pwòp nan kominote jistis anviwònmantal yo."

Modèl Defi Recho ak Endiksyon an vini apre yon lòt patenarya Eta-Vil ki gen siksè, ki se [Defi Chofaj Pwòp Pou Tout Moun](#) (Clean Heat for All Challenge), kote NYCHA, NYPA, ak NYSERDA te envite abrika yo devlope ak pwodui yon nouvo pwodwi elektrifikasyon pou pi byen sèvi chofaj biling plizyè fanmi yo ak bezwen refwadisman epi akselere tranzisyon an nan sous chofaj san fosil nan kanpis NYCHA yo.

Pwogram Recho ak Endiksyon a reprezante Agenda Dirabilite NYCHA a. Lanse an 2021, Otorite Lojman an te anonse yon reangajman anbisye pou adrese chanjman klimatik la. Enfòme avèk 10 mwa angajman ak rezidan NYCHA, ajans Vil yo, òganizasyon kominotè yo, ak ekspè teknik yo, ajanda Otorite a konsantre sou pran yon apwòch konplè pou renovasyon biling yo ak bezwen kominotè yo.

Plan Klimatik Lidè Nasyonal Eta New York la

Ajanda klimatik Eta New York la ki se lidè nan nasyon an fè apèl ak yon tranzisyon ki metodik epi ki jis ki kreye djòb ki soutni fanmi, ki kontinye ankouraje yon ekonomi vèt

nan tout sektè epi asire ke omwen 35 pousan, avèk yon objektif 40 pousan, nan avantaj envestisman enèji pwòp yo ale nan kominote defavorize yo. New York, ki oryante pa kèk nan inisyativ klima ak enèji pwòp ki pi agresif nan peyi a, sou pwen pou reyalize yon sektè enèji zewo emisyon vè 2040, ki enkli 70 pousan pwodiksyon enèji renouvlab vè 2030, ak netralite kabòn nan tout ekonomi an vè mwatye syèk la. Yon poto mitan nan tranzisyon sa a se envestisman san presedan New York pou devlope enèji pwòp yo, ki enkli plis pase 55 milya dola nan 145 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 3.3 milya pou devlope enèji solè, plis pase 1 milya dola pou inisyativ transpò pwòp ak plis pase 2 milya dola nan angajman NY Green Bank yo. Envestisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans plis pase 3,000 pousan nan sektè solè distribiye a depi 2011. Pou diminye emisyon gaz ki lakòz efè sè ak amelyore kalite lè a, New York te adopte tou règleman veyikil san emisyon, ki gen ladan egzije pou tout nouvo machin pasaje yo ak kamyon pwa lejè yo vann nan Eta a gen zewo-emisyon disi 2035. Patenarya yo ap kontinye fè aksyon klimatik New York la avanse avèk apeprè 400 Kominote Entelijans Klimatik ki anrejistre ak 100 Kominote ki sètifye, apeprè 500 Kominote Enèji Pwòp, ak pi gwo inisyativ kontwòl lè kominotè Eta a nan 10 kominote devavorize atravè eta a pou ede sible polisyon lè epi konbat chanjman klimatik la.

Enfòmasyon sou NYCHA

Otorite Lojman Vil New York (NYCHA), ki se pi gwo otorite lojman publik nan Amerik di Nò, te kreye an 1935 pou ofri lojman desan ak bon mache pou Nouyòkè ki gen revni fèb ak modere yo. NYCHA se lakay 1 Nouyòkè sou 17, k ap bay 528,105 rezidan otorize lojman abòdab atravè pwogram lojman publik ak pwogram Angajman Pèmanan pou Abòdabilite Konjen (Permanent Affordability Commitment Together, PACT) ansanm ak lojman Seksyon 8 la. NYCHA gen 177,569 apatman nan 2,411 biling atravè 335 lojman publik konvanksyonèl ak devlopman PACT. Anplis de sa, NYCHA konekte rezidan yo ak pwogram ak sèvis enpòtan ki soti nan patnè ekstèn ak entèn yo, ak yon konsantrasyon sou opòtinite ekonomik, jèn, granmoun aje, ak sèvis sosyal. Avèk yon pakèt lojman ki kouvri tout senk minisipalite yo, NYCHA se yon vil ki anndan yon vil.

Enfòmasyon sou NYPA

NYPA, ki se pi gwo òganizasyon elektrik publik eta a ki nan nasyon an, ap jere 16 etablisman ki ap jenere elektrisite ak plis pase 2,253 kilomèt sikwi liy transmisyon yo. Plis pase 80 pousan elektrisite NYPA pwodwi se enèji idwolik renouvlab ki pwòp. NYPA finanse operasyon li yo apati obligasyon yo vann ak revni li resevwa an gran pati atravè elektrisite yo vann. Pou plis enfòmasyon, vizite www.nypa.gov epi swiv nou sou [Twitter](#), [Facebook](#), [Instagram](#), [Tumblr](#) ak [LinkedIn](#).

Konsènan NYSERDA

NYSERDA, yon kòporasyon enterè publik, ki ofri enfòmasyon ak analiz objektif, pwogram inovasyon, espètiz teknik, ak finansman pou ede moun New York ogmante efikasite enèjetik, ekonomize lajan, itilize enèji renouvlab, epi diminye depandans yo sou kabiran fosil. Pwofesyonèl NYSERDA yo travay pou pwoteje anviwònman an epi kreye anpil djòb enèji pwòp. NYSERDA ap devlope patenarya pou fè avanse solisyon

enèji inovan yo nan Eta New York depi 1975. Pou aprann plis sou pwogram NYSERDA a ak opòtinite finansman, vizite nyserda.ny.gov oswa suiv nou sou [Twitter](#), [Facebook](#), [YouTube](#), oswa [Instagram](#).

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)